



Hautau Pātata

Te kaupapa: Te Hautau

Te whenu: Te Tau me te Taurangi: Taumata 3–4

Hei whakamārama

He tauira ngohe tēnei, hei aromatawai i te mōhio o te ākonga ki te hautau. Mā te āta mātakitaki me te āta whakarongo a te pouako ki te mahi a te ākonga, e mōhiotia ai te taumata o te ākonga, ngā wāhi e pakari ana, me ngā wāhi hei whakapakari ake.

I ētahi wā, mā te whakawhitiwhiti kōrero, mā te paku whakamārama rānei a te pouako, e kite ai te ākonga i te rautaki, i te huarahi rānei hei whakaoti i te ngohe.

E tika ana kia taunga te ākonga ki tēnei mea te whakaoti rapanga, te wetewete i ngā kōrero me ngā tohutohu, te āta whakaaro i te rautaki e hāngai ana, me te tūhonohono anō i ngā maramara mātauranga kei roto i tōna hinengaro. Koirā te īhua o tēnei ngohe aromatawai.

Me tuku kia mahia tēnei ngohe aromatawai i muri i ngā akoranga e hāngai ana ki te hautau, kaua e tuku mātao noa iho.

Kei ēnei pukapuka ētahi kōrero hei īwhina i a koe:

- Te Pukapuka Tuarua o Te Poutama Tau **Te Uui Aromatawai**. Ko ngā kōrero whānui e pā ana ki te aromatawai pāngarau.
- **Whanaketanga Pāngarau: He Aratohu mā te Pouako**. Ko ngā kōrero me ētahi tauira ngohe e hāngai ana ki ngā Whanaketanga Pāngarau.
- Te Pukapuka Tuawhitu o Te Poutama Tau **Te Hautau, te Tau ā-Ira me te Ōrau**. Ko ngā kōrero whānui e pā ana ki ngā huatau matua o te hautau.

Ngā tohutohu

Whakaaturia te kāri, īkene pea me pānui tahi me te ākonga, **kia mārama ai ngā kōrero**.

Hoatu he wā hei whakaoti mā te ākonga i ngā pātai.

Tonoa te ākonga kia whakamārama i āna mahi. Whakaahuangia ‘Te Whārangī Aromatawai mā te Pouako’, hei tuhi māu i āna whakamārama, me ū whakaaro, ū whakataunga aromatawai.

Āta tirohia ngā kōrero kei te whārangī ‘Hei Ārahi i te Aromatawai’ hei īwhina i a koe ki te whakatau i te taumata e hāngai ana ki ngā otinga a te ākonga. Kei tēnei whārangī te ngako o te pāngarau e hāngai ana ki tēnei ngohe, me ngā tauira whakamārama a ngā ākonga.

Me mātua mōhio te ākonga

- ki te raupapa hautau
- ki te whakatairite hautau
- ki te whakarea hautau ki te 10
- ki te whiriwhiri hautau ūrite
- ki te whiriwhiri tauwehe pātahi
- ki ngā meka whakareatanga ki te 10×10 me ngā meka whakawehenga e hāngai ana

Ngā kupu pāngarau e hāngai ana

hautau, manokaramu, pātata, raupapa, tapeke, tīpako

Ngā kupu e hāngai ana ki te horopaki

poro tīhi

Ngā rauemi

- te kāri ngohe
- he rauemi hautau mēnā e hiahiatia ana, pērā i te Ngaku Hautanga (Rauemi Tārua 7-7)

Ētahi ngohe whakaako e hāngai ana

Te Poutama Tau: Pukapuka Tuawhā

- Kei a Wai te Keke Nui? (wh.42)
- Ngā Hautanga ki te Rārangi Tau (wh.46)
- Te Raupapa Hautau (wh.49)
- Ngā Hautau Waetahi-kore (wh.59)

Te Poutama Tau: Pukapuka Tuawhitu

- Hautau Waenganui (wh.115)

Te Poutama Tau: Pukapuka Tuawaru

- Ngā Hautanga kei roto i te Tahi (wh.11)
- Te Whakatau Tata i ngā Hautau (wh.44)
- He Rārangi Hautau (wh.52)

He tauira pātai hei kukume whakaaro

- Whakamāramahia ngā mahi i oti i a koe i tō hinengaro. He aha tō mahi tuatahi? He aha tō mahi tuarua?
- He aha koe i whiriwhiri ai i tēnā i te tuatahi?
- E mōhio ana koe ki tētahi atu rautaki e hāngai ana ki tēnā pātai?
- Me pēhea te whakaatu i tō mahi ki tētahi pikitia?
- He aha koe i mōhio ai he nui ake tērā i te kotahi?
- He aha i nui ake ai tēnā hautau i tēnā?

Hei Ārahi i te Aromatawai

Hautau Pātata: Taumata 3-4

Te pārāi	Kaupae 6 (Whanaketanga 3a/3e)	Kaupae 7 (Whanaketanga 4a)
1. Tuhiā tētahi hautau he pakū nui ake i te kotahi. Whakamāramahia tō hautau me tōna pakū nui ake i te kotahi.	E mōhio ana ki te tikanga o te taurunga me te tauraro o tētahi hautau hei whakacatu i tōna rahi. Arā, me nui ake te taurunga i te tauraro kia nui ake ai te hautau i te kotahi. 3a → E mōhio ana mēnā he pātata te taurunga me te tauraro o te hautau, ka pātata te hautanga ki te kotahi. 3e →	
2. Tuhiā kia tekau ngā hautau kei waenganui i te tahi me te hautau i tuhiā e koe i te pātai tuatāhi.	Ka whakamahia he rauemi ōkiko (pērā i te ngaku hautangā) hei kimi i ngā hautanga waenganui. 3a → 1 < $1\frac{2}{17}$ < $1\frac{1}{8}$, nā te mea $\frac{1}{8} = \frac{2}{16}$ 4a →	
3. Kua 11 ināianei ngā hautau. Raupapahā ēnei hautau mai i te iti ki te rahi.	Ka whakamahia te mōhio ki te raupapatanga hautau he ūrite te tauraro. Hei tauira: 3a → $1\frac{1}{100}, 1\frac{2}{100}, 1\frac{3}{100}, 1\frac{4}{100} \dots$ Ka whakamahia te mōhio ki te raupapatanga hautau waetahi. Hei tauira: 3e → $1, 1\frac{1}{10}, 1\frac{1}{9}, 1\frac{1}{8}, 1\frac{1}{7}$	
4. Tipakona te hautau kei waenganui o te raupapa. Mēnā koirā te taumaha manokaramu (kg) o tētahi poro rīhi, e hia manokaramu te taumaha o ētahi o aua poro rīhi tekau?	Ka whakamahia he rauemi ōkiko (pērā i te ngaku hautangā), ka tuhi pikitia rānei hei whakare a i te hautau ki te 10. 3a → Ka wāwāhīa te tau hanumi ki tōna tauotī me tōna hautau, ā, ka whakare a ia wāhangā ki te 10. 3e →	Ka hurihia te tau hanumi hei hautau nui ake i te kotahi, ka whai ai i te hatepe mō te whakare a hautau, me te whakamārama anō i te hatepe. Hei tauira: 4a → $1\frac{3}{20} \rightarrow \frac{23}{20} \times 10 = \frac{230}{20} \rightarrow 11\frac{10}{20} = 11\frac{1}{2}$
5. Tipakona tētahi atu o ngā hautau. Whirihiria te hautau hei tāpiri atu ki te hautau i tipakona e koe, kia eke ari te tapeke ki te 2.	Ka whakamahia he rauemi ōkiko (pērā i te ngaku hautangā), ka tuhi pikitia rānei hei whirihiria i te tau tāpiri. 3a → Ka whakamahia te mōhio ki te maha o tētahi hautanga kei roto i te kotahi. Hei tauira: $1\frac{3}{17} + \frac{14}{17} = 2$, nā te mea 17 ngā hau-tekau mā whitu kei roto i te kotahi. 3e →	

Te Whārangi Aromatawai mā te Pouako

Hautau Pātata: Taumata 3-4

Te pātai	Ngā aromatawai a te pouako
1. Tuhia tētahi hautau he paku nui ake i te kotahi. Whakamāramahia tō hautau me tōna paku nui ake i te kotahi.	
2. Tuhia kia tekau ngā hautau kei waenganui i te tahi me te hautau i tuhia e koe i te pātai tuatahi.	
3. Kua 11 ināianei ngā hautau. Raupapahia ēnei hautau mai i te iti ki te rahi.	
4. Tīpakona te hautau kei waenganui o te raupapa. Mēnā koirā te taumaha manokaramu (kg) o tētahi poro tīhi, e hia manokaramu te taumaha o ētahi o aua poro tīhi tekau?	
5. Tīpakona tētahi atu o ngā hautau. Whiriwhiria te hautau hei tāpiri atu ki te hautau i tīpakona e koe, kia eke ai te tapeke ki te 2.	